



**KEMENTERIAN PEMBANGUNAN
USAHAWAN DAN KOPERASI**
Ministry of Entrepreneur Development and Cooperatives

KENYATAAN MEDIA MENTERI PEMBANGUNAN USAHAWAN DAN KOPERASI

LANJUTAN MORATORIUM DAN BANTUAN BANK BERSASAR BUKTI MEDAC PRIHATIN USAHAWAN

PUTRAJAYA, 14 Oktober 2020 – Sejar dengan Pengumuman Kerangka Inisiatif Tambahan Khas: Kita Prihatin pada 29 Julai 2020, Kementerian Pembangunan Usahawan dan Koperasi (MEDAC) menyahut seruan YAB Perdana Menteri bagi lanjutan moratorium dan bantuan bank bersasar. Inisiatif ini secara khususnya adalah untuk mengurangkan beban kewangan rakyat serta cabaran aliran tunai yang dihadapi perniagaan susulan berakhirnya tempoh moratorium pada 30 September 2020.

Dalam hubungan ini, agensi – agensi pembiaya di bawah MEDAC seperti Bank Rakyat, SME Bank, TEKUN Nasional, Perbadanan Nasional Berhad (PNS) dan Suruhanjaya Koperasi Malaysia (SKM) telah mengambil inisiatif proaktif mendapatkan maklum balas mengenai permohonan lanjutan moratorium dan bantuan bank bersasar dari pemilik akaun terutamanya yang melibatkan Perusahaan Kecil dan Sederhana (PKS).

Sehingga 8 Oktober 2020, sebanyak 18,670 permohonan lanjutan moratorium dan bantuan bank bersasar dengan nilai sebanyak RM6.704 bilion telah diterima melalui agensi-agensy pembiaya di bawah MEDAC. Daripada jumlah tersebut, sebanyak 10,710 permohonan dengan nilai RM6.04 bilion atau 90.15% telah diluluskan.

Kelulusan permohonan lanjutan moratorium dan bantuan bank bersasar di bawah agensi pembiaya MEDAC mengikut agensi adalah seperti berikut:

AGENSI	PERMOHONAN	JUMLAH KELULUSAN
Bank Rakyat	5,610	RM1.165 bilion.
SME Bank	3,087	RM4.844 bilion.
TEKUN Nasional	1,999	RM27.39 juta
Perbadanan Nasional Berhad (PNS)	14	RM3.95 juta

Namun begitu, sebanyak 5,422 permohonan dengan nilai RM622.34 juta atau 9.28% pula telah ditolak atas beberapa justikasi penolakan seperti:

1. Pendapatan pemohon tidak terjejas;
2. Pemohon gagal menyediakan bukti pendapatan terjejas;
3. Pembiayaan dalam penjadualan oleh Agensi Kaunseling dan Pengurusan Kredit (AKPK); dan
4. Pembiayaan tertunggak melebihi 90 hari dan tiada sumber bayaran balik.

Daripada jumlah tersebut, hanya 1.7% permohonan yang ditolak adalah daripada Perusahaan Kecil dan Sederhana (PKS) dan baki permohonan sebanyak 98.3% adalah permohonan individu. Manakala baki permohonan sebanyak 2,538 dengan nilai berjumlah RM41.4 juta atau 0.57% pula masih dalam proses semakan dan pertimbangan agensi.

MEDAC sentiasa memberikan komitmen tidak berbelah bagi dalam usaha untuk memperkasakan ekosistem keusahawanan selaras dengan Dasar Keusahawanan Nasional 2030 (DKN2030).

DATO SRI DR. HAJI WAN JUNAIDI TUANKU JAAFAR
MENTERI PEMBANGUNAN USAHAWAN DAN KOPERASI